

張文忠公文集

四

張文忠公文集卷第九

律詩七言

讀史有感自和十首

治運方開亂已隨
陽奇陰偶見天機
綱常壞自周秦始
禮法傳由漢魏非
歌鳳楚狂聲振野
獲麟宣聖淚沾衣
若無直筆開來世
一脉斯文想更微

善教何心不我隨
底須智力巧爲機
每憐鑄鐵作人謬
更覺懸金徙木非
千載舒長堯日月
九重拱舜裳衣
眼中龜鑑昭然在
莫信揖提入

太微

見武三思飾
奴救旱事

揖讓雍容萬善隨紛紛攘奪費心機前車才覆
後車繼曩日爲公今日非神器果誰承正統博
徒亦復着黃衣雲翻兩覆無從詰可是天公寓
意微

季子縱橫六印隨張儀無語不投機周衰遂使
諸卿顯孟出方知二子非豈止古今知軌範要
令揚墨盡冠衣理明天下無難事可惜時君力
量微

不信忠良信詭隨於茲可灼亂亡機東京黨錮

迷感否西晉玄談混是非被禍枉投冠在地復
仇空拔劍揮衣因知高蹈丘園者不是區區愛
翠微

爲善恒難惡易隨事機未曉况先機剥床已及
猶言穩覆鼎將空不悟非盡委貨財求佛果誰
分藍縷到民衣金甌休倚完無缺只恐竒灾發
隱微

作德休徵影響隨一誠端足破千機才如智伯
才何益智似裴弘智愈非言行但宜遵聖軌浮
華且莫羨時衣軒然三命車中舞堪笑渠儂眼

孔微

大旆高軒憂患隨可能娛樂故忘機退延多士
豈遑飯進受群言毋遂非任使貨盈元載屋莫
教塵化士衡衣丈夫用世當如此不爾超然賦
式微

吉凶消長日相隨此是乾坤造化機物盛則衰
奚足訝功成者去未爲非鷄鶩豈樂金石奏鱣
鯨烏庸錦繡衣試問商巖采芝叟功名何啻一
毫微

政有經綸孰汝隨踈迂况復動違機久知好瑟

吹竽拙每笑還珠買櫝非幕府高談人側目田
園長往子牽衣分明二者安危在不信君其問

子微

唐赤城居士
司馬承禎也

觀物亭落成

席許池塘斗許齋脩然人境遠塵埃山容低歛
煙雲起荷葉亂鳴風雨來泉石洗心無俗慮郊
原隨意有詩材一生雅志今方遂莫作終南捷
徑猜

觀物亭漫興二首

星斗風雲月露煙松筠梅菊蕙蘭荃天教此景

全吾隱誰道還丹屬彼仙飯飽看山行曳杖詩
成對客舞畱筵漫郎宦意從來少不爲蘇卿二
頃田

一亭環列萬青山奇玩寧容造物慳黃卷真懽
名利外白頭清福水雲間農人場圃深秋畢童
子芻蕘薄暮還碎錦滿庭苔蘚合定知無客到
柴関

大暑

白戰体

帝德如天本好生誰將虛焰爍生靈乾坤却願
長爲夜物我還愁遂不醒玉井瑤池皆欲沸華

門圭竇若爲寧何當喚起龍公睡一兩先秋看
建瓴

和魯子翬學士見寄詩韻十首

節屋雖非綠野堂歸來六用得深藏時雍擊壤
歌堯舜年邁披書愛老莊林巢簇金低蘚徑山
泉分玉注蓮塘無窮湖濶風煙在都把悠悠付
坐忘

滿座清風拙逸堂底須詹尹卜行藏淵明高躅
廬山社摩詰真懽輞口莊花下車聲香覆帽沙
頭人影玉沉塘但行華鵲相招飲多謝山靈不

我忘

佳句人傳自雪堂萬人如海一身藏騎鯨有志
尋仙李刺虎無心效卞莊高枕拂雲眠薤谷直
鉤和月釣林塘寄聲沙鳥休飛去老子年來物
我忘

時約漁樵會草堂放懷彼此各無藏泉鳴石罇
心充亮山闖墻頭色亦莊秋意已侵潘叟鬢春
魂猶繞謝家塘從閑經濟心灰盡惟有詩籌未
易忘

葯房蓀壁挂蘭堂無限春風此處藏山上挂絲

誰夢亮燈前角奕儘思莊聲寒風雨千竿玉色
紺煙霞半畝塘客過不煩頻振袂紅塵名利自

然忘

夢亮見北齊薛琬傳
思莊見齊肅惠恭傳

從閑距躍倦開堂聞客敲門欲壁藏世有古今
皆夢境心無塵垢即仙莊風鳴琴筑鶯啼樹波
泛冰霜鶴浴塘六尺方牀隨意卧未應佳思此

時忘

見梁賀
革傳

青春回首去堂堂衰白侵尋底處藏老我癡蠅
鑽故紙何人肥馬耀康莊翠光挾日山排闥練
影翻秋水滿塘自笑此心猶有着幾時喧寂兩

俱忘

非傲軒裳畏廟堂白雲堆裏八年藏每思海上
尋徐福不願山東說鄭莊移石庭中觀岱華埋
盆窻外幻陂塘春秋六十猶爲此方信童心未

易忘

畏廟堂見梁
阮孝緒傳

千金子坐不垂堂甘效黃麀草底藏

黃麀事見
唐王孝傑

傳誰種三槐期相位自我五柳庇山莊呢喃簾

幙烏衣國蕩漾風煙白鳥塘每到綽然亭子上

今吾故我一時忘

春滿家園書滿堂是中惟許老夫藏對賓但可

頻斟杜著論何須強廢莊我愛萬山圍樂水誰
言五絕出錢塘閑中幾度承高作故舊知君未
始忘

秋日村居

衰年卜宅喜山村俗事經年不到門疎雨與秋
添索寞遠煙因晦學黃昏倚松野叟清於鶴偷
菓溪童捷似猿莫笑吾廬大孤僻塵囂終勝市
朝喧

木榻

余於綽然亭左右設木榻二蓋榆杏盤

根也一輪困離奇如虎伏一天矯促縮
若螭卧而截其首余愛其古爲賦是詩
盤結何年出厚坤山房對列鬼潛奔龍頭深縮
彌明鼎虎背橫眠謝傳墩作室已垂梁棟用漬
衣猶帶土沙痕有時坐寐煙霞影尚覺餘春殢
夢魂

書半山亭壁自和十首

夢裏雲山久見招歸來懽若布衣交人間萬事
老無味林下一身閑最高牧豎樵童皆我友竹
溪花圃亦吾巢英雄稅駕都如此把菊東籬豈

止陶

丘園投老謝麾招相與無非莫逆交
破屋帶花紅掩陋矮墻圍柳翠添高
日明牕戶蠅蛸網風動蘭茗翡翠巢
人境清幽塵事少詩成元不費甄陶

自携斗酒赴佳招山市江村錦翠交
身健得閑方是福才疎辭聘本非高
謀身安用營三窟容膝惟堪占一巢
犬足生鼯田里靜長官共說

劉陶

后漢劉陶爲順長有惠政既代民歌曰邑然不樂思我劉焉何時復來安此下民

天際閑雲坐可招墻頭山色淡相交
權門非貴

閑門貴醒者何高醉者高
搖碎庭煙風動竹衝
開林靄鳥歸巢從間精力
加強健豈止塵襟解
鬱陶

去留心定任相招叔夜何
須著絕交徂嶺有詩

懷六逸華峰無路訪三高

五代鄭遨隱居華山與二道士遊爲三高

終身白刃卑頗牧亘古清風
仰許巢佳客相過
適乏酒只談風月亦陶陶

莫訝愚溪不復招詩書政好
結深交地寬飛鳥
如爭遠天濶行雲欲闢高
但可對山時拄笏何
須上樹縱探巢

王澄事

戲人造物從今省夷跣從

來共一陶

可人密邇若難招俗士紛然每易交流水樹圍
三面濶遠山雲放一頭高坐呼赤脚澆新圃卧
看烏衣葺舊巢衰白太平當自頌試聽工部詠
陳陶

才薄常慚尺一招性孤不耐雨雲交舉頭看鳥
回頭錯開口驚人閉口高痛飲且須邀北海劇
談無用及南巢逃名笑殺鴟夷子旣氏朱公又
氏陶

鄰家來往不須招吾輩寧同市道交鷓蚌何心

三十九
雲莊雜藁 九
爭勝負鷄鵬無意校低高人疑地僻如無世我
愛民淳似有巢和氣春風仁壽域豈惟魚鳥被
薰陶

達士應難折簡招未能數面但神交胸吞雲夢
八九小氣壓太行千仞高綠野有雲隨杖屨紅
塵無路到枝巢山中宰相知誰是老子如今不
姓陶

翠陰亭落成自和十首

一
退愁城萬里降從今按堵樂吾邦睡殘蕙月
狻推枕吟斷松風鶴啄牕槁木不春從換歲虛